

ao da súa publicación no *Diario Oficial de Galicia*, e pecharase aos corenta días naturais; no caso de coincidir o inicio ou o remate do prazo en sábado ou día inhábil en Santiago de Compostela o prazo trasladarase ao día hábil seguinte.

Segundo.-Os créditos dispoñibles para a concesión nesta convocatoria ascenden a 300.000 €, que se aboarán con cargo á aplicación orzamentaria 02.02-E4/10/03-651700 dos orzamentos do Igape para o 2009.

Terceiro.-Á vista do volume das solicitudes presentadas e mediante resolución, o director xeral do Igape poderá modificar e/ou ampliar os créditos aprobados, do cal se dará a correspondente publicidade no *Diario Oficial de Galicia*.

Cuarto.-Os requisitos das letras c), e) e l) do artigo 20.2º da Lei 9/2007, do 13 de xuño, de subvencións de Galicia e os requisitos das letras f), h), i), j), k), m) e n) do citado artigo, indícanse respectivamente nas bases reguladoras das axudas para facilitar a análise empresarial das empresas galegas cara ao acceso ao Mercado Alternativo Bursátil (MAB) e nas bases reguladoras dos procedementos de tramitación das liñas de axuda do Igape publicadas mediante Resolución do 5 de febreiro do 2009 (*Diario Oficial de Galicia* nº 31, do 13 de febreiro).

Santiago de Compostela, 3 de xullo do 2009.

Joaquín Varela de Limia de Cominges
Director xeral do Instituto Galego de Promoción
Económica

Resolución do 3 de xullo de 2009 pola que se procede á segunda convocatoria para o exercicio 2009, en réxime de concorrencia competitiva, de determinadas liñas de axuda do Instituto Galego de Promoción Económica.

Mediante Resolución do 5 de febreiro de 2009 publicouse a nova redacción das bases reguladoras dos incentivos económicos e das bases reguladoras dos procedementos de tramitación das liñas de axuda o Igape (*Diario Oficial de Galicia* nº 31, do 13 de febreiro).

Estas bases prevén que as convocatorias de axudas, que conterán en todo caso o prazo de presentación de solicitudes e os créditos asignados a elas, serán aprobadas mediante resolución do director xeral do Igape e publicadas no *Diario Oficial de Galicia*.

As solicitudes tramitaranse segundo o establecido no capítulo I das bases reguladoras dos procedementos de tramitación das liñas de axuda do Igape, publicadas mediante a antedita Resolución do 5 de febreiro de 2009 (*Diario Oficial de Galicia* nº 31, do 13 de febreiro).

Na súa virtude e de conformidade coas facultades que teño conferidas,

RESOLVO:

Primeiro.-Convócanse en réxime de concorrencia competitiva as seguintes liñas de axuda das bases reguladoras das axudas a proxectos colaborativos de carácter empresarial, publicada mediante Resolución do 5 de febreiro de 2009 (*Diario Oficial de Galicia* nº 31, do 13 de febreiro), cuxo prazo de presentación de solicitudes se abrirá ao día seguinte da súa publicación no *Diario Oficial de Galicia*; e pecharase aos corenta días naturais; no caso de coincidir o inicio ou o remate do prazo en sábado ou día inhábil en Santiago de Compostela o prazo trasladarase ao día hábil seguinte.

1. Realización en Galicia de xornadas técnicas, seminarios, foros ou premios dirixidos á difusión de técnicas, metodoloxías, ferramentas ou boas prácticas nos núcleos da innovación á mellora competitiva ou ao aprendizaxe (procedemento IG114-artigo 1.1º 1 a)).

2. Realización en Galicia de encontros empresariais entre emprendedores e investidores privados (*business angels*) (procedemento IG114-artigo 1.1º 1 b)).

3. Realización en Galicia de congresos ou eventos expositivos de alcance internacional (procedemento IG114-artigo 1.1º 1 c)).

Os créditos dispoñibles para concesións nesta convocatoria ascenden a 500.000 €, que se aboarán con cargo á aplicación orzamentaria E4/10/02-651800 dos orzamentos do Igape para o 2009.

Segundo.-Todos os eventos incluídos nas solicitudes de axuda que se presenten ao abeiro desta convocatoria deberán realizarse entre o 1 de xullo de 2009 e o 31 de decembro de 2009.

Terceiro.-Para todos os créditos especificados nesta convocatoria resérvase un 10% para proxectos localizados nos municipios da Costa da Morte, e outro 10% para proxectos localizados na comarca de Valdeorras, que figuran nos anexos IV e V, respectivamente, das bases reguladoras dos incentivos económicos do Igape. Así mesmo, para os proxectos localizados nas comarcas de Ferrol, Eume e Ortegal, que figuran no anexo III das bases reguladoras dos incentivos económicos do Igape, resérvase outro 10% dos devanditos. No caso de que os proxectos aprobados non esgoten os créditos reservados, o remanente aplicarase aos restantes proxectos.

Cuarto.-Á vista do volume das solicitudes presentadas para cada liña e mediante resolución, o director xeral do Igape poderá redistribuír entre elas os créditos aprobados, os cales tamén poderán ser ampliados e as partidas orzamentarias modificadas mediante resolución publicada para o efecto.

Quinto.-Os requisitos das letras c), e) e l) do artigo 20.º da Lei 9/2007, do 13 de xuño, de subvencións de Galicia, indícanse nas bases reguladoras dos incentivos económicos do Igaape publicadas mediante Resolución do 5 de febreiro de 2009 (*Diario Oficial de Galicia* nº 31, do 13 de febreiro) e os requisitos das letras f), h), i), j), k), m) e n) do citado artigo, reséñanse nas bases reguladoras dos procedementos de tramitación das liñas de axuda do Igaape publicadas tamén mediante dita Resolución do 5 de febreiro de 2009.

Sexto.-O modelo de solicitude e demais anexos son os xa publicados coas bases reguladoras dos incentivos económicos do Igaape (*Diario Oficial de Galicia* nº 31, do 13 de febreiro de 2009).

Santiago de Compostela, 3 de xullo de 2009.

Joaquín Varela de Limia de Cominges
Director xeral do Instituto Galego de Promoción
Económica

IV. OPOSICIÓN E CONCURSOS

CONSELLERÍA DE PRESIDENCIA, ADMINISTRACIÓN PÚBLICAS E XUSTIZA

Resolución do 3 de xullo de 2009, da Dirección Xeral de Xustiza, pola que se resolve o concurso de traslado para a provisión de postos xenéricos vacantes no Instituto de Medicina Legal de Galicia entre funcionarios do corpo de médicos forenses.

De conformidade co establecido nos artigos 51, 52 e 53 do Real decreto 1451/2005, do 7 de decembro, polo que se aproba o Regulamento de ingreso, provisión de postos de traballo e promoción profesional do persoal funcionario ao servizo da Administración de xustiza, e na Resolución do 23 de marzo de 2009, da Dirección Xeral de Xustiza, pola que se convocan a concurso de traslados postos xenéricos vacantes no Instituto de Medicina Legal de Galicia para o corpo de médicos forenses (BOE/DOG do 14-4-2009), esta dirección xeral

ACORDA:

Primeiro.-Resolver o concurso de traslado adjudicando os postos convocados aos médicos forenses que se relacionan no anexo I, fase de concurso e fase de resultas. Decláranse desertos os postos relacionados no anexo II.

Segundo.-O prazo para tomar posesión do novo destino obtido será de tres días naturais se non implica cambio de localidade do funcionario, de oito días naturais se implica cambio de localidade den-

tro da comunidade autónoma e de vinte días naturais se implica cambio de comunidade autónoma, con excepción da Comunidade Autónoma de Canarias, da Comunidade Autónoma das Illes Baleares, da Cidade de Ceuta e mais da Cidade de Melilla, en que será dun mes tanto se o posto de traballo é de orixe como se é de destino. Cando o adxudicatario de praza obteña coa súa toma de posesión o reingreso no servizo activo, o prazo será de vinte días.

O prazo para a toma de posesión comezará a contar a partir do día seguinte ao do cesamento, que se deberá efectuar dentro dos tres días hábiles seguintes ao da publicación da resolución do concurso no *Boletín Oficial del Estado*, se esta non é simultánea á do *Diario Oficial de Galicia*.

Se a resolución comporta reingreso ao servizo activo, o prazo de toma de posesión deberase computar desde a devandita publicación.

O cómputo dos prazos posesorios iniciarase cando rematen os permisos ou licenzas, incluídos os de vacacións, que lles fosen concedidos aos interesados.

O prazo posesorio será retribuído pola Administración competente respecto da praza obtida no concurso.

Contra esta resolución, que esgota a vía administrativa, poderase interpoñer recurso potestativo de reposición ante o director xeral de Xustiza no prazo dun mes, conforme o disposto nos artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común ou recurso contencioso-administrativo ante a xurisdición competente no prazo de dous meses, segundo o establecido na Lei reguladora da xurisdición contencioso-administrativa, ambos os prazos contados a partir do día seguinte ao da publicación desta resolución no *Boletín Oficial del Estado*.

Santiago de Compostela, 3 de xullo de 2009.

Juan José Martín Álvarez
Director xeral de Xustiza

ANEXO I Adjudicacións

DNI	Apelidos e nome	Destino de orixe	Destino adjudicado	Posto adjudicado
02885834-R	Cascón Gutiérrez, Ana Isabel	IM.L. Galicia Sub. Territorial de Pontevedra	IM.L. Galicia Sub. Territorial de Vigo	Médico forense xeneralista
50287714-P	Pérez Oso, Esther	IM.L. Baleares Sub. Menorca	IM.L. Galicia Sub. Territorial da Coruña	Médico forense xeneralista

ANEXO II Praza desertas

Denominación do destino	Localidade	Nº de prazas
IML Galicia. Dirección Territorial	Santiago de Compostela	1
IML Galicia. Subdirección Territorial	Ferrol	1
IML Galicia. Subdirección Territorial	Lugo	1
IML Galicia. Subdirección Territorial	Ourense	1
IML Galicia. Subdirección Territorial	Pontevedra	2
IML Galicia. Subdirección Territorial	Vigo	1